

CACOU ËL FURIOT

Coun ël mè cartoun e mia mula Queca, i l'é portà mi Cacou ël Furiot, na vota que ou tournava a Pouranh coun doue sac bin pien a col, après que ou l'avia virà pér ël casine ét San Lourans. “O Eh, Queca, ferm'te ën po que ënjoucouma Cacou e lou menouma a ca coun nosta filouvìa sansa fi”. Mentre que veniziou su pér la mountâ e i 'm ne subiava una, i 'm vir a beicàou e i lou veg sampe coun ën sac bin pien ës l'ësquina. I fas “O macacou d'ën Cacou, co tenës ëencoû a fâ ël sac a col ës la gœba?” E chèl “Oh, Nitou, sœs jà tantou bràou a mename mi e ën sac bin pes, lasa que almenou l'aout i 'm lou porte mi!”.

(parole ét Tommasino Cavallo pièce da l'ëspetacoul Mistral ét la Compagnia del Birùn)

I LUIZIN

I' m vërgonh ét que mantlina sì curta blœ-mizéria. Ou l'a bin fèt Tomazino a nhant butasla. San Luis, chèl sì que ou l'a ën bël coustum, méi que ën paggetto, ma nèti Luizin... Que diviza sì i l'a regalâ a mia mare la mare ét Tomazino e a chëlla i l'avìa regalâ la tota Arbincöel. Ma pérquè a 's vestou nhant lour da Luizin se i pias tantou? Mi pér nhant stâ sansa sina i 'm la soun butâ, chèl pitost ét butasla ou l'a saoutà sina e ou l'a dit que ou i ëntrarà mai ént i Luizin se a cambiou nhant la diviza. I ësmia n'ënjustissia grossa couma na cà que San Luis ou 's noun stounhe ën Paradis tut bin vestì couma ën Prinsi mentre que nèti ét Daval dœvouma butase que cotase bianque sì groupée coun na corda e que mantlina da folatoun sì. La mare ét Tomazino a i a dit que ou éndarà a l'unfèrn, ma chèl ou i a rëspoundù que ou l'a nhant pòou ét l'unfèrn e que ént i Luizin vestì parèi a lou cucaran propi nhant.

(parole ét Tommasino Cavallo pièce da l'ëspetacoul Mistral ét la Compagnia del Birùn)